

▲ 题图 宋 佚名（旧题郭熙）春江帆饱图 局部

本期主持：Terry

何逊（480年－520年），字仲言，梁东海鄮人，世代侨居京口。何承天曾孙。

八岁能作诗，二十岁中秀才。诗人范云见其试策，大加称赞。沈约说读何逊诗，「一日三复，犹不能已」。何逊曾担任过庐陵王萧续记室。约卒於天监十七年（518年）。文章与刘孝绰并称，世称何刘。今存诗百馀首。

---

## 01

### 落日前墟望赠范广州云

缘沟绿草蔓，扶援杂华舒。  
轻烟澹柳色，重霞映日馀。  
遥遥长路远（古同远，晚）。寂寂行人疎。  
我心懷硕德，思欲命轻车。  
高门盛游侣，谁肯进畋渔。

## 02

### 赠诸游旧

弱操不能植，薄伎竟无依。  
浅智终已矣，令名安可希。  
扰扰从役倦，屑屑身事微。  
少壮轻年月，迟暮惜光辉。  
一涂今未是，万绪昨如非。  
新知虽已乐，旧爱尽睽违。  
望乡空引领，极目泪沾衣。  
旅客长憔悴，春物自芳菲。  
岸花临水发，江燕遶樯飞。  
无由下征帆，独与暮潮归。

### 03

#### 别沈助教

可怜玉匣剑，复此飞鳬舄。  
未觉爱生憎，忽见双成只。  
一朝别笑语，万事成畴昔。  
道遒若波澜，人生异金石。  
愿君深自爱，共念悲无益。

### 04

## 渡连圻二首之一

连圻连不极，极望在云霞。  
絶壁无走兽，穷岸有盘楂。  
糾纷上巃嵒，穿豁下岩呀。  
鱼游若拥剑，猿挂似悬瓜。  
阴岸生驳藓，伏水拂澄沙。  
客子行行倦，年光处处华。  
石蒲生促节，岩树落高花。  
暮潮还入浦，夕鸟飞向家。  
寓目皆乡思，何时见狭斜。

## 05

### 咏照镜

朱帘旦初卷，绮机晨未织。  
玉匣开鉴影，寶台静临饰。  
对影独含笑，看花时转侧。  
聊为出顰眉，试染夭桃色。  
寶钗若可间，金钿畏相逼。  
荡子行未归，啼妆坐沾臆。

## 06

### 夜梦故人

客心惊夜魂，言与故人同。  
开帘觉水动，映竹见牀空。  
浦口望斜月，洲外闻长风。  
九秋时未晚，千里路难穷。  
已如臃肿木，复似飘飏蓬。  
相思不可寄，直在寸心中。

## 07

### 扬州法曹梅花盛开

兔园标物序，惊时最是梅。  
衔(qú)霜当路发，映雪拟寒开。  
枝横郢月观，花绕凌风台。  
朝洒长门泣，夕驻临邛杯。  
应知早飘落，故逐上春来。

## 08

### 塘边见古塚

行路一孤坟，路成坟欲毁。  
空疑年代积，不知陵谷徙。  
几逢(一作经)秋叶黄，骤见春流弥。  
金蚕不可织，玉树何时葢。  
陌上驱驰人，笑歌自侈靡。  
今日非明日，所念谁怜此。

## 09

### 临行与故游夜别

历稔共追随，一旦辞羣匹。  
复如东注水，未有西归日。  
夜雨滴空阶，晓灯暗离室。  
相悲各罢酒，何时同(一作更)促膝？

## 10

### 看伏郎新婚

雾夕莲出水，霞朝日照梁。  
何如花烛夜，轻扇掩红妆。  
良人复灼灼，席上自生光。  
所悲高驾动，环佩出长廊。